

II SAN SILVESTRE CONCELLO DE MONTERROSO



REGULAMENTO

Artigo 1: Organización:

O Concello de Monterroso organiza a II San Silvestre de Monterroso. A proba organizarase o vindeiro 31 de decembro, con saída e meta na cúpula e discorrerá por distintas rúas da vila.

A proba estará aberta a todos os atletas, federados ou non, sen distinción de sexo ou nacionalidade. Cada atleta participa baixo a súa responsabilidade e dispón de unha condición física suficiente para rematar a proba.

Artigo 3: Categorías, distancias e horarios:

O circuito será sobre asfalto e estará pechado a todos os vehículos agás os autorizados pola organización. O percorrido estará controlado por vehículos da organización.

A saída de cada proba será na cúpula así como a meta.

CATEGORIA	ANO NACEMENTO	HORARIO	DISTANCIA
PITUFOS	(2013 e posteriores)	16.30 h	150m
PROMOCION	(2010-2012)	16.35 h	400m
SUB 12	(2008-2009)	16.45 h	1000m
SUB 14	(2006-2007)	16.45 h	1000m
SUB 16	(2004-2005)	16.45 h	1000m
SUB 18-20	(2000-2003)	17.00 h	5500m
SENIOR	(1984-1999)	17.00 h	5500m
VETERAN A	(1974-1983)	17.00 h	5500m
VETERAN B	(1964-1973)	17.00 h	5500m
VETERAN C	(1963 e anteriores)	17.00 h	5500m

Artigo 4: Peche de control:

O control de chegada na proba absoluta pecharase 50' despois da saída da mesma.

Artigo 4: Condicións de Participación:

- As inscricións faranse a través da páxina web da Federación Galega de Atletismo. (poremos o enlace da páxina web de inscrición).
- **A inscrición pecharase o VENRES 28 de decembro ás 23:59 horas.**
- **Non se admitirán inscricións fora de prazo.**
- A inscrición na proba é persoal e intransferible
- O control da proba non contará con sistema de cronometraxe, correndo o control da mesma a cargo dos Xuíces da Federación Galega de Atletismo.
- A inscrición implica ler, entender e adquirir o compromiso que a continuación se expón:
Certifico que estou en bo estado físico. Eximo de toda responsabilidade que da participación no evento puidese derivarse, á organización, patrocinadores comerciais ou sponsors, empregados e demais organizadores. Coa realización da inscrición, todo participante cede os seus dereitos de imaxe á organización, que utilizará as imaxes de acordo coa Lei de Protección de Datos.
- No caso de que xurda algunha dúbida ou discrepancia acerca do regulamento, a decisión quedará en man da organización.
- A proba estará controlada pola Federación Galega de Atletismo, e estarán capacitados para desqualificar a calquera atleta que incumpra o regulamento.
Serán motivo de desqualificación, entre outros, os seguintes aspectos:
- Non respectar as indicacións dadas pola organización.
- Non realizar todo o circuito da carreira.
- Non levar o dorsal ou a manipulación do mesmo.
- Falsificar datos persoais.
- Todo o non disposto neste regulamento rexerese polas normas de Competición da FGA, RFEA e IAAF para a presente tempada, así como todo o regulamentado por instancias superiores.

Artigo 5: Inscrición:

As inscricións faranse a través da páxina web da Federación Galega de Atletismo. (poremos o enlace da páxina web de inscrición).

A proba terá carácter SOLIDARIO sendo os dereitos de inscrición GRATUÍTOS, mais cada participante deberá colaborar cunha ración de alimentos non perecedoiros (preferentemente produtos de nadal, aceite, azúcar, sal, fariña, maizena, cereais, conservas ou chocolate) ou cun xoguete que será doado ao Banco de alimentos e xoguetes do Concello de Monterroso.

A inscrición pecharase o VENRES 28 de decembro ás 23:59 horas.

Os datos necesarios para a inscrición son: nome e apelidos, NIF, sexo, data de nacemento, enderezo, concello de empadramento, teléfono móbil, correo electrónico e club. Tamén deberán sinalar se corre como popular ou federado, e neste caso facilitarase o número de licenza e o clube.

Artigo 6: Retirada de Dorsáis:

Os dorsáis poderanse retirar:

- O venres día 28 no Espazo Lorenzo Varela en horario de 10:00 a 14:00 e de 15:00 a 19:00 (de aqueles atletas que formalizasen a súa inscrición antes do mercores as 23.59h)
- O día da proba no Espazo Lorenzo Varela en horario de 10:00 a 14:00, ou pola tarde, na zona habilitada pola organizacion (na cúpula), entre as 15:00 e as 16:30, para o resto de participantes.

Artigo 7: Premios:

- Trofeo aos tres primeiros clasificados masculinos e femininos da carreira absoluta
- Trofeo aos primeiros clasificados de cada categoria tanto masculinos como femininos, e medalla conmemorativa ao segundo e terceiro.
- **Na categoría de PITUFOS daráse medalla a todos os participantes. Non haberá trofeos para esta categoría nin se farán clasificacións.**
- **Nas categorías PROMOCIÓN, SUB 12, SUB 14 e SUB 16 daráse medalla a todos os participantes,** así como trofeo ao primeiro clasificado tanto masculino como feminino, e medalla conmemorativa ao segundo e terceiro..
- Trofeo ao corredor/a ca vestimenta máis orixinal
- **A entrega de premios será na zona de meta, na cúpula, en torno ás 18.20h.**

Artigo 8: Servizos para os participantes:

Os participantes gozarán dos seguintes servizos antes, durante e despois da carreira.

1. Aparcadoiro gratuito (ata ocupación das prazas existentes).
2. Cuartos de baño na zona de saída-chegada.
3. Recollida de dorsais e imperdibeis.
4. Vestiarios e duchas na cúpula.
5. **Avituallamento na zona de saída da proba (cúpula).**
6. **Chocolatada ao finalizalas diferentes probas.**
7. **Co dorsal entrarase en sorteos de material deportivo que se farán durante o tempo que duren as probas.**
8. Ambulancia (todos os accidentes acontecidos deberán ser previamente informados ao organizador da proba e o traslado do ferido, se fose necesario, será para os centros sanitarios que teñan convenio ca compañía de seguros que corresponda).

Artigo 9: Seguro:

Todos os participantes estarán amparados por unha póliza de Responsabilidade Civil e accidentes deportivos, que cubrirá os accidentes que se produzan como consecuencia directa do desenvolvemento da proba.

Quedan excluídos os casos derivados dun padecimento latente, imprudencia ou inobservancia das leis, da normativa da competición, etc. Tamén quedan excluídos os casos producidos polo desprazamento ao lugar da competición ou desde o mesmo.

NOTA: Esta proba pertence ao Calendario Oficial da Federación Galega de Atletismo e mediante a súa inscrición o corredor consente expresamente que os seus datos básicos sexan cedidos a esta entidade para a tramitación, ante a compañía de seguros, dos seguros obrigatorios de accidentes e Responsabilidade Civil así como a xestión da licenza de día e ranking popular de probas de ruta. En todo caso e tal como establece a lei de Protección de Datos, o interesado pode exercer no futuro os seus dereitos de acceso, rectificación, cancelación e oposición mediante escrito ou correo electrónico á Federación Galega de Atletismo. Avenida de Glasgow13- 15008 A Coruña.

Organiza: Concello de Monterroso

Colaboran: Federación Galega de Atletismo (Delegación de Lugo).

